



ЛЕНИНЭНЬ КИЯВА

ВЛКСМ-нь Мордовской обкомонь ды Саранск ошонь комитетэнь газетаст

Весе мастортнэнь пролетарийтне, пурнаводо вейс!

1941 ие
ЯНВАРЕНЬ
1-це чи
1 (1297) №

ЛИСИ: 10-це ие,
12 № копэ

1941

Веселасто ды радостнасто вастызе Советской Союзонь народось 1941 иенть. Январень васенце чинть каршо венть перть весе минек масторонть келес мольсь од иень праздникень шалт. Те ульнесь сеть ломатнень праздник, конат славнойста роботасть ютась иестэнт ды конат анокт певтее од дерзанияс, од творенияс сыд. 1941 иестэнт.

Ютась иесь, Великой Октябрьской Социалистической революциянь комсь колмоуце иесь, ознаменовался Ленинань—Сталинань теветь всемирно-исторической од победасо.

«Советской властэнь существованиянь комсь колмоуце иесь,—кортасть тедиде ноябрюнь 6-це чистэ Большой театрасо торжественной заседаниясонть эсь докладсонзо М. И. Калинин,—зани СССР-нь Союзонть историсонзо нелик тарка. Те—когда социалистической строительстваонть, истя жо внешней политикань областэнт—как пек покш успехень ие».

Советской правительствань внешней политикась тейсь мелесь иестэнт од пек покш изиявкт. Мирнойста, верень вейкек каплянь апак вало ульнесь разрешен Бессарабия-до ды Северной Буковинадо советско-румынской конфликтэсь. Бессарабиясь ды Северной Буковинась, Западной Украинанть ды Западной Белоруссиянь мельга примазь Советской Союзонь дружной семьянтень.

Прибалтикань народтэ свергли эсест продажной буржуазной правительстванень, единомудной решениянь коряс установили советской власть ды соваст СССР-нь составс.

Весе од республикатнень народтэ ней строить свободной эрямо Советской Союзонь народтэнь братской семьяс. Васенцеде тедиде вастыть олясто ды радостнасто од иенть.

СССР-сь теевсь 1940 иестэнт советской социалистической 16 республикань Союзокс. Сонзэ населениязо кармась улеме 193 миллион. Капитализманть савсь потамс, минек масторось жо шаштынзе эсензэ границазо западов.

Мейсэ аняк аволь сюпав ютась иесь! Кода зардоак те иестэнт келейгавтозель коммунизмань строямонь весе отраслатнева социалистической соревнованиясь, кона кандсь минек масторонть певтее сюпавчи.

Металлургтнень, угольщиктнень, нефтяниктнень ды индустриянь лия отраслатнень роботниктнень соревнованиясь, велень хозяйствань Всесоюзной выставкасэ участиянь праванть кис велень хозяйствань роботниктнень соревнованиясь, колхозниктнень соревнованись, конат эсест инициативасо ды эсест вийсэ строясть сядот вайгельбень кувалмосо каналт, кить,—весе те ульсь Советской масторонть развитиянь ды кемекстамонь могучей движущей виекс.

Ютась иестэнт жо панжозь фабрично-заводской обучениань, ремесленной ды железнодорожной од школат. Правительстванть тердеманзо коряс советской од ломатне покш радость марто мольсь неть школатнесэ тонавтнеме.

Алкуксонь коммунистической воспитаниякс можна лемдямс аняк се воспитанианть, кона кепеди народонь мобилизационной анокчнт, ламолгавты общественной сюпавчинть, кепеди трудонь производительностэнь. Трудия массатнень сознаниясь переделканть коряс покш роботасть, кона ютавтоми минек государствасонть, направлен сенень, штобу весе роботавольть честнасто, добросовестнасто, штобу эрва трудиясь чарьковдлесе коммунизманть кис весе масторонь вейсэнэ бороцямонть марто эсензэ личной роботань сюлмавоманть.

Самая секс истямо покш организующей ды воспитательной значениаст СССР-нь Верховной Советэнь Президиумонть 1940 иень июненъ 26-це чинь «8 часонь робочей чинть, семидневной робочей неделиянтень ютамо до ды предприятиясто ды учреждениясто робочейтнень ды служащейтнень самовольной туемань запрещениядо» Указонть ды июленъ 10-це чинь «Аволь доброты качественной или аволь комплектной продукциянть нолдамонзо кис ды промышленной предприятиянтень пельде обязательной стандартнень несоблюдениянть кис ответственностедэнтъ» Указонть. Советской государствань неть мероприятияне аштит трудонь производительностэнь кепедемань, масторонть оборонанзо седе тов кемекстамонь важнейшей рычагокс.

Кодамо безрадостнойкс неяви капиталистической общественанть будущностэ! Кепети протестэсь колониальной мастортнэсэ, конатнень народтэнь арась мелест улемс империалистической цельтнесэ кирвастэсь войнатнесэ пушечной сывелекс. Кемема марто ваны колониальной Востокось великой китайской народонть героической бороцямонзо лангс. Касы весе масторонть Советской Союзонть—мирэнь единственной оплотонть трудиянтень вечкемаст.

Минь радость марто ды смелстэ вандано од, 1941 иенть сельмс. Содатано, што сон канды тенек од изиявкт, еще седеяк малавгавтсамизь коммунизмань полной ды окончательной победанть.

Шумбра улезэ Од иесь! Шумбрат улест ломатне, конат кандыт тензэ слава!

Шумбра улезэ минек народонь весе славной подвигтнень вдохновителесь великой Сталин!



ВЛКСМ-нь ЦК-со

ВЛКСМ-нь ЦК-сь кемекстызе Якстере Армиянь XXIII годовщинань лемсэ лыжной комсомольской кроссонть (соревнованиянтень) ютавоманзо коряс Оргкомитетэнь постановленианзо кроссонть комсомолэнтнень маршевой (ялго якомонь) анокстамонть коряс тренировочной минимумдонть.

ВЛКСМ-нь ЦК-сь кармавтызе снежной райононь весе комсомольской организациянтень лыжной командатнень созданият марто вейсэ тееме командат истяжо ялго молемань переходтнень туртовгак.

Кроссонть участвовамо кармить улеме нолдазь неть случайтнестэ комсомолэнтэ, конат топавтсызэ ялго якомонь коряс норматнень (8 километрат 1 часос). Норматнень максомась ловови результатнень коряс, конат невтезь кроссонть (соревнованиясонть).

ВЛКСМ-нь ЦК-сь кемекстызе истяжо комсомольской кроссонть маршевой (ялго якомонь) анокстамонть коряс тренировочной минимумонь программанть, конань тензе Оргкомитетэсь.

(Программась печатазь 4-це страницасо).

ВЛКСМ-нь ЦК-сь обсудил «Населения ютксо неграмотностень ды малограмотностень ликвидациянь кувалт Мордов-

ской АССР-нь комсомольской организациянтень роботадонзо» вопросонть. Мордовской комсомолонь обкомось не обеспечил комсомольской организациянтень активной участиянтень населения ютксо неграмотностень ды малограмотностень ликвидациянь кувалт роботасонть.

1940—1941 учебной иестэнт неграмотнойтнень ды малограмотнойтнень тонавтнеме уподомань срокне, конатнень ладиназе правительствась, седе ламо населенной пунктка сезезь. 1922—1923 иетнестэ чачозь допризывниктнень тонавтномась организовазь истя жо аволь удовлетворительнасто.

Те шкас апак пурна сатышка количествасо неграмотноень ды малограмотноень тонавтоманть туртов культурмеецт. Ламо случайстэ культурмеецэнь роботанть максызь истямо ломаннень, конатнень арасть сатышка эрявикс знаниясь ды конат неспособнойть максомс тонавтнемань сэрей качества. Ламо комсомолонь райкомт ды горкомт овси кадызь населениянт ды од ломатнень ютксо неграмотностень ды малограмотностень ликвидациянт кувалт роботасть ды а кармавтыть культурно-массовой комиссиянтень те роботасть организовамо.


ВЛКСМ-нь ЦК-сь особа тешкетсызе, што, апак вано

сень лангс, што областной комсомольской организациясонть улить малограмотнойть, комсомолонь обкомось, горкомтне ды райкомтне эзизь организова сынст тонавтоманть.

ВЛКСМ-нь ЦК-сь кармавтызе комсомолонь обкомонть обеспечить весе комсомольской организациянтень участият населениянт ды од ломатнень ютксо неграмотностень ды малограмотностень ликвидациянт коряс эрва чинь роботасонть.

ВЛКСМ-нь ЦК-сь невтезь, што те роботасть должен улемс комсомолонь райкомонь ды горкомонь культурно-массовой комиссиянтень сех главной обязанностест.

Комсомолонь обкомонть, горкомтнень ды райкомтнень мерезь 1941 иень январень 5-це чиньтень организовам весе малограмотной комсомолэнтнень тонавтоманть, явомс башка мель неграмотнойтнень ды малограмотнойтнень тонавтомаст качества лангс, весе вийсэ лездем народной образованиянь органтизнен культурмеецтнень методической лексэнь организовамо сонть. Неграмотнойтнень ды малограмотнойтнень тонавтоманть коряс роботасть райкомтнень ды горкомтнень эряви привлекать старшей классонь тонавтниятнень.



СНИМКАСОНТЬ: Саранск ошонь 12-це № школань тонавтницятне (озадо аштить керш ёндо витев) Кира Давыдова, Тома Лопудева, (стыадо аштить) Маруся Бодрова ды Игорь Кирюков тонавтнемань васенце полугодиянь прыдызь отличной отметка марто. Фотось А. Канифатьевень.

ТВОРЧЕСКОЙ РОБОТАНЬ РАДОСТЬ

I.

Опасна ульнесь лоткавоме «Финишер корда» машинанть. Тейневсть ламо случайть, сех нек од робочейтнень марто, зардо сезневсть сурт или томбавкшновсть кедть. Слесаресь Ефремов ялгась теись роликвой головкань механической лоткавомка ды аравтызе машинас. Машинась теевсь безопаснойкс ды седе производительнойкс.

Ефремовонь ланге ванозь, макесь зарья пенной предложенийт Беляевский ялгась. «Бреккер корда» машинанть сон аравть метрань счетчик, кона точна невти мушконь лентанть кувалмонзо. Те жо лезды аволь ансяк содамс ки кода топавты норманзо, но и чождалгавты питательницатнень роботаст.

Иень перть од ломатне истят питней предложенийт макесь кеменде ламо.

II.

Мелят, пень ушодовомсто, Саранской пенькокомбинатс сась роботамо токарекс кудрав од цёра—комсомолец Мясин. Васенцеде аравтызе станок эшкс ды мереть тензэ тейнеме шестеренкат гильсингенть туртов. Аволь покш шестеренкань таркас теись тракторонь чарышка.

— Ведь тень брак лемезь, — ёвтась цехень начальнигесь.

Мясин пек мелявтьс ды виздсь эсь роботанзо кис. Но те ульнесь а кувать. Вана омбоце чистанть жо муевсь тензэ вадря ялга слесарь Богопов. Сон содасы токарной тевенть-как.

— Ужо, мекс шестеренкат шаты строгадемстэ, ёкстак патрононтень туло ды тевесь туй теке ой ланга, — тонавтьс эйсэнзэ Богопов.

Истят ялгатнеде кармасть улеме яла седе ламо ды ламо.

Эрвась невти асатыкс ланге, лезды мейсэ эряви. Од токарьс аламонь-аламонь кармась сасамост сыртенень.

Кизна норманзо тонавтьс 125 проценте, пенть прыдовомсто жо—кавксть седе ламо.

Од иесь Мясин ялгантьс канды творческой роботань седеяк покш радость.

III.

Весть комсомолецс Суслин седейшкава корты эсь ялганзо марто:

— Вана, друг да ванды война, кода кармат ванстамо Родинамь?

— Да, леднеме а маштан... монень эряви нейке тонавтнемс...

Ды решизь кавто оятне тонавтнеме военной тевенть эсест комбинатсо.

Оборонно-физкультурной роботась кармась улеме вечкевикс тевекс.

П. Любаев.

Саранской пенькокомбинат.

Сталинской стипендиатт

Тонавтнеме вадрясто—те значит овладевать передовой наукань основатнесь, те значит анокстамс эсь прыть высококвалифицированной, масторонтень полезной ломанькс. Минек родной партиясь ды правительствась эрва кода поощряют сеть ломатнень, конат наукатнень тонавтнемасонть невтить покш настойчивость ды упорства. Неть пельтнесь союзонь высшей учебной заведениянева аравтозь Сталин ды Молотов ялгатнень лемсэ специальной стипендиат.

Мордовской педагогической институтонь студентнень ютксто Сталин ялганть лемсэ стипендиань получамо почетной праванть саньз исторической факультетань III-це курсонь студентсэ М. Дорожкин ды литературной факультетань III-це курсонь студенткась Лизьева ялгатне.

Курок уш малав ие топоди, кода Дорожкин ды Лизьева ялгантьс получить сталинской стипендианть. Эряви меремс, што сын достойна кандыть сталинской стипендиат лементь.

Вана сайсынек Дорожкин ялганть. Институтсонть тонавтнеманзо перть весе дисциплинатнень коряс сонзэ отметганзо ансяк отличнойть. Сон институтонь весе студентнень туртов ашти примерекс наукатнень глубокойстэ тонавтнеманть коряс. Дорожкин упорна, систематически ды последовательна тонавти учебной материалонть, преподавательтнень пельде кудов заданиятнень топавтомадост башка, вешии ды тонавти дополнительной материал. Эрва материалонть коряс сёрмали вадрясто арсезь аккуратной консе-

пект. Зярдо Дорожкин ялгась ответи преподавательтнень вопросост лангс, то сонзэ ответнесь эрва зардо маряви материалонь кеместэ содамось, самостоятельной творческой обобщениянь выводтнень, те-емась.

Академической занятиятнеде башка Дорожкин ялгась эсь знаниянзо сюпалгавты ды кемексты научной студенческой кружоктнесь. Активной участия приими СССР-нь историянь научной кружоконть роботасонзо, конань вети исторической наукатнень кандидатось М. Сафаргалиев.

Дорожкин ялгась отличнасто тонавтнеманть парсте сочетает общественной роботасо активной участиянь марто. Институтонь комсомолецтнэ кочкизь сонзэ ВЛКСМ-нь комитетань секретарекс.

Ней институтонь весе студентнэ анокстыть телень экзаменационной сессиянтень. Дорожкин ялгась уш декабрынь 30-це чинтень те сессиянтэ счете срокто икеле отличнасто максынзе экзаментнень колмо сехте трудной дисциплинань коряс.

Сась 1941 иесь, те од иесь должен кандомс минек масторонтень одт ды седеяк покш изиявкст наукань фронтсонть-как. Од иень васень чистанть ули мелем меремс: кадык весе советской студенчестваьс карми бороцямо передовой наукасонть овладениянь кис истя, кода овладевают сталинской стипендиатнэ.

Н. Вольнов.

Мордовской пединститутонь исторической факультетань декан.

Иван Шарый бурщикенть рекордозо

«Новая» шахтань бурщикесь семиволо овецсэ (Криво-рожье)—Иван Шарый, XVIII-це партийной конференциянт лемсэ вахтанть топавтозь, декабрынь 29-це чистэ омбоце сменасонть теись трудонь произ-

водительностень пек вадря рекорд. Сменако перть сон макесь 2.300 тонна руда 74 тонна норманть пингстэ—заданиянт тонавтызе 3.108 проценте.

(ТАСС).

Зуденковонь семиязо

— Ки тесэ Сергей Никитич Зуденков? — кевкстинек минь конюхонь кудосо народонт.

...Аламо шкань ютазь, ваксозонок сась овчинань пинжаксо, тюза ус марто сэррей цёра.

— Мон Зуденков. — Ёвтась ды сонсь кармась штюпамо усонзо.

Минь здоровакшнынек. Конюхось чамань келес пейдесевсь ды мерсь:

— Начит, мелеть ванномс семиянь «парадом». Нама, Пососонть седе покш семия а муят. Монь, однасум, эйкакштнень кавксо.

Сонензэ кудос модемстэ, Зуденков ялгась мелсь паросо гордойстэ ды шутязь ладо яла кортась:

— Роботан конюхокс уш кода вейксэ иеть. Тонадынть тевентень. Лиясто читькак, ветькак а удан. Кода-бути эрямомгак кассь лишмень кардазонть марто. Нилесядт трудочи съамон теинь.

— Паряк премировазелить? — Ламоксть. — Спокойнасто отвечась сон. — Райзояк, вель-

советкак, колхозгак... Лишметнень упитанностест кисэ...

Пачкодинек Зуденковонь кудозонзо. Витькстатано, минь эзинеке учне истямо порядок покш семиянь кудосо. Кияксозо ванькс—а умок шлязь. Столь ланга апазь клеенка; стенава поволезь рамка потсо портретт, конатне невтить Сергей Никитичень весе родословиянзо; плулан бокасо ашти кружевасо вельтязь ножной стамо машина; вальма ланга шакшос озавтнезь пецайт; икеле уголсонть столь пезэ эзем лангсо аштить тонавтичань тетрадь, линейка, газетат.

— Газетаткак ловнат? — снартынек содамо минь.

— Арась, однасум. Теньс уш а маштан. Сельтне сокорт. Монень яла эйкакштнень ловныть. Страсть вечкан газетань кулянь кунсоллома... Франциянт судонзо нардызе немецесь. А? То-то вот.

Сергей Никитич столь эшкс озамсто сельмензэ кайнзе каштом лангонть ёнов, кевкстесь: — Баба, тон кашлангсат

штоли? Невтика гостентень лейтенантонть, — сон велавть монь пелев ды толковизе: — Монь те сех вишквинентень Анатолийнень «лейтенант» мерян. Ну, и цёра ули, богатырь!

— Нать эйкакштнень вечксыть? — кевкстинек азоронть шутязь ладо.

— Кода эно! Касыть, — чей а кадсамизь. Весёлаяк марто. Кодак мезе эряви теомс кудонь перьга, сьргедая: Нина, Витя, Павлик, Санька... — пиземе пельладсо эрва ёндо чийть.

Минек кортамось тусь эйкакштнеде. Зуденков ялгась покш гордостэ марто ёвтизе, што покш цёразо—Алексей тонавти Горький ошсо артиллерийской школасо. Тонавти остатка ие, курок лиси лейтенантоке. Цёрась сёрмады, што эрямозо паро ды алтни школанть прыдомадонзо мейле само тетянстань гостекс.

— Учинитано эйсэнзэ бабанть марто эрва чи, — кортась Сергей Никитич.

— Ней вана учнетяно, — мерсь азоравась, Екатерина Ивановна, — а друк школанть прыдомадонзо мейле кучсызь

армияв, сестэ сельмсэтькак а нейсак.

— Несак, зяро чарькоди? Превтемат тон, баба. Карми служамо граница лангсо или косо—те седеяк паро. Сестэ тонь тердтанзат тов.

Омбоце цёразо, Николай роботы милициясо. Сон ськамонзо канды семиянь ярмаконь расходонть.

— Николай цёранть, — корты кувалманзо тетясь, — монень питне пезэ арась. Коть ещё од, но заботи весе семиянт кисэ. Зарплатазо малав весе моли семия лангс.

— А зяро тонь тейтертнеде? — таго кевкстинек.

— Тейтертнеде монь кавто. Маня, комськотово иесэ. Мирде эшксэ. Эри вадрясто. Мирдэзэ милициянь сержант. Омбоцесь Нина: тонавти сисемеце классо. Нина! Нина! Косат? — Мезе? — пшкадсь цюлансто кемготово иесэ якстере чаматейтерькась. Сонзэ кедьсэ ульнесь панжозь книга.

— Те пионерка. Колхозонь вазитнень лангсо шеф. — Прань шназь кортась семиянь правтось. — Кудосо ваньксчинь кир-

демась—сонзэ тевесь. Таргамопани эйсэнзэ яла уголс.

Те шкастонть ушосто совась кемгавтовошка иесэ пёрынесь, Павлик. Сон сась школасто.

— Вана те, вать, ули монь кондымо конюх или жо агроном. Свал лишметнень ваксэ чары. Ков иляст сырга лишмеса сонгак марто. Савкшность кройсеманзояк тень кисэ—яла теке. Вечки лишметь!

Сергей Никитич коньштась сельмсэнзэ монень ды цёранзэ кевкстизе:

— Ну, зяро «плохот» получить?

— Вейкеяк арась! — бойгасто отвечась Павлик.

— То-то. Вант, илить сра Зуденковтнень.

Мелень витезь минь простинек истямо жизнерадостной, тевень вечкиця ды мелсь паросо гордой ломаненть—Зуденков Сергей Никитич конюхонть марто.


Зяро истят счастливой ломать минек родинасонть! Зяро счастья тенст алтни эрямось икелепелев!

П. Кономанин.

ОД ИЕНЬ ПОЖЕЛАНИЯТ



ПОЭТНЭНЬ ДЫ ПИСАТЕЛЬНЭНЬ

А поемс сурсто
факт эрямонь,кадомс оймсе
валскень стямонь.Вана киде
ушодт морамо!МЕСТНОЙ ПРОМЫШЛЕННОСТЕСЬ
1941 ИЕСТЭ

РСФСР-нэ Наркоместпро-
монь промышленностесь 1940
иенть пряды неавикс успех
марто. Производственной пла-
нось топавтозь срукто икеле.
Иенть заданиянть вельска
выработаноить широкой пот-
реблениянь товарт кеметь мил-
лион целковойс. Продукциянь
нолдомсь иенть перть кассь 18
процента.

Районной подчинениянь про-
мышленностесь максь малав
33 процента ламо продукция
ютазь иенть коряс. Ютазь

иенть перть, аволь полной дан-
нойтнен коряс РСФСР-сэ соз-
даннойт 2 тышчадо ламо аволь
покш предприятия, 500 рай-
онтиэ, конатнен арасель эсест
местной промышленностесь, те
иестэнт сонээ организавизь.

1941 иенть плансонть тешк-
стневи широкой потреблениянь
товартиэнь нолдамонть седе тов
пек покшолгавтома. Од иестэнт
тешкстэз освоить изделиянь
малав 280 од видт.

(ТАСС).

Мейстэ ушодовсь
касомась

Антоновкань «Излань» кол-
хозсонть аволь аламо комсо-
мольской возрастонь од ломат.
Но комсомольской организация-
сонть ламо шкань перть ло-
вовсть 5—6 комсомолецт.

— Мекс истя?—эть чарько-
де сынскак комсомолецтэ.—
Бути эрва од ломаненть мар-
то ютавомс башка беседат ды
ловном лекцият? Паряк кар-
мить совамо комсомоле...

Но комсомолецтэ эть не
вейке тев—самой основноенть,
—што сехте вадра агитациякс
должен улемс эсест роботаст.

Сынесть эзь чарькоде се,
што сынс комсомолецтэ а
аштит примерэкс аволь союз-
ной од ломатнен икеле. Ды
чарькодизь тень сестэ, зардо
састь кочкамотне.

Отчетно-выборной комсомоль-
ской собраниясонть комсомо-
лецтэ тейст эсест роботан-
тень анализ. Козо иля кунда,
од ломатнен ютксо воспита-
тельной роботантень ли, или
колхозонтень лескэнь максо-
мантень,—эрва косо асатыкт.
Малав кодамоак тевсэ комсомо-
лецтэ эть невете инициатива,
эть ветя эсест мельга трудовой
подвигень примерсэст аволь
союзной од ломатнен.

Организациянь секретарекс
кочкизь Василькин ялганть.
Сон од, но хозяйственной ды
энергичной.

Василькин ялгась васняк
кундась комсомолецтэнь вос-
питаниянтень, организоваь на-
чальной политграмотань кру-
жок ды кармасть толковамо пе-
редовой комсомольской органи-
зациянтень роботань опытэст.
Истя аламонь-аламонь приви-
вал комсомолецтэнен эрявикс
качестватнен.

Ды вана аволь ламо шкань
ютазь организациясь теевсь
овси лиякс. Комсомолецтэ то-
навтит аволь аныак кружок-
со, но кудосаяк. Эрва тевсэ
аштит инициаторокс. Ней уш
кияк а араси эрва башка од
ломанентень лекциянь ловнома-
до. Сын сынс советь комсо-
молс покш мельсэ, неить, што
тень эйстэ карми улемс покш
лезэ. Комсомолс примазь уш
А. Г. Ломшин ялгась, кона ло-
вови примерной колхозникекс,
ды лия од ломат.

Ней комсомольской органи-
зациясь пути вее виензэ, што-
бу лездам колхозонтень тунда
видемантень анокстамос.

И. Липатов.

Дубенской р-н.

ВЕСТЬ ВЕТЬ

Во. Якшамо дальневосточной ве. Де-
жабрь ковонь вармась пшти пельлад-
со кери чамат, стакалгавты лексеманть.
Те вестэнт П. С. Заволжский якте-
реармеедэс ашть пост лангсо.

Маласо—покш об'ект. Перть пельга
тикшесэ ды кудрав пичесэ касозь латкт.
Седе васоло—сопкат, тусто ды чопода
тайга. Заволжский якте об'ектэнт
перьяа ды кунсолось те чопода ды як-
шамо венть симфониянзо.

Парте канды вахтанзо Заволжский.
Бдительностень кис командованиянт
пельде сон получаь уш аволь вейке
благодарность ды питней подаркат. Секс
сон течияк, зардо масторось празднови
Сталинской Конституциянь чинть, арав-
озель почетной вахтас...

Липаить разужо пельтнен пачка
гештне, мори сыре тайгась, чаво, ций-
нема вайгельть таргси вармась винтов-
кань каналсонть. Зярс вахтась кандо-
ви спокойнасто ды аштемекак кадовсь
аламо, аныак час.

Но мезе те?... Петянь пилес друк
каятотсь вергизэнь урнома, а вить
ёно латкостонть кискань цийнема.

— Мень тамашат?—арсезевсь Петя.
Учемо сон седе тов эзь карма. Замас-
кировался рядсек касыця куронть уда-
лов, конань экистэ парте неавсь весе
об'ектэсь. Минутань ютазь сон копча-

зель ловсо, аныак стальной штыкесь
пшти салмукокс вансь латконть мала-
со кинть ёнов.

Кемень минутань ютазь кинть ланге
появась алаша. Сон молись састо ды
яхоесь прысонзо, будто кизэнь шкане
донить эйсэзэ бромот. Петя парте со-
ды, што часовоесть—неприкосновенной
личность, секс сядо метрань тарка пос-
тонть эйстэ сон может лоткавомс коть
кинть. Но те ведь алаша?! Арась, кода-
моак коварной враг а манасы совет-
ской часовойнт. А стяко сонэзэ мак-
созь истят прават ды порученнойт
тензэ весе ключтне масторонть ды на-
родонть пельде. Часовоесть ашти истя-
мо пост лангсо, кодамо минек грани-
цась! Петя соды: эряви лоткавомс ала-
шанть.

Алашась яла молись ды молись кня-
ванть. Сон сорновтнесь прысонзо, но
зардо об'ектэнтень кадовсь ловозь
шагт, велявсь керш бокасонзо Петя
ёнов.

— Стой! Кие моли?—рангетась сон.
Отвечамонть таркас, прок магниень
вспышка валдомтызе алашанть ды об-
ектэнт, мельганзо каятотсь ледема
вайгель ды Петянь прынзо вельска
вешкезь ливтась пулясь. Колмокс
щелкадсь боекось. Колмо а неавикс
смертоносной мекшть мадстиз алашанть

се тарканть, косо сон аштьсь. Петя
бойка чийсь алашанть. Алашанть
вить боканзо ало аштьсь питней тулуп-
со оршазь ломань, ловонть поцо неавсь
еще качамоса качадыця револьверсь.

Овси Петянь удало вейке-вейке мель-
га каятотсь револьверстэ вете ледема.
Зярд Заволжский варшась удалов, то
нейсь, што ашо халатсо оршазь ломань
чийсь удалов. Сон ульнесь алкине, но
эчке. Эчечись эзь максэ тензэ оля
бойкасто чиёмантень, сарей ловось ды
стака одижась сайеть те кавто пильге
марто зверенть виензэ.

—А туйт!—рангетась Петя ды леп-
штите грудезэнзэ винтовканть. Тол
копна ды ледема вайгель каятотсь
секе жо шкастонть. Халатсо ломанесь
прок пулт, новольсь ловонть поц. Сон
мусь еще эстензэ вий, штобу лепштымс
японской карабинэнт—автоматонть
куроконзо...

Стамбарнэстэ повольсь Петя, сельме-
сэнзэ ульнесь чопода, керязь-керязь
вить лавтово. Но эзсе сасе часовоесть
виензэ пулясь. Родинань пламенной
патриотось Петр Семенович Заволжский
эзсе кадо постонзо. Сон эзь тандадо
пулянт ды саредеманть эйстэ. Зярс
ульсь виензэ ды эзь ёма сознаниязо,
сон, тигрань скоростесь кириавсь ло-
вонть поцто ды штыксэ маштызе ко-
варной врагонть, кона каявкшнось лан-
гозонзо.

Петя больше мекшак эзь повия.
Но эсь подразделениянт ёндо чийсь
караулонь начальникесь ды часовоить.

Кавто недлян ютазь Петя лиссь
госпиталястэ. Сон ульнесь истамо жо:
весела ды бойка, аныак цють ашназаль
чамазо. Кода частень командирэсь яво-
лявсь тензэ благодарность ды ловны-
зе боецтэнь икеле приказонть Петянь
награждениядо, сон отвечась:

— Служан Советской Союзонтень!

Вешки ды ловсо ёрни кежей вар-
мась. Сорнит сядо иенть чувтне, гукс
менчевить каль тарадтне. Менельганть
вельтазь уить, прок экран лангсо
кадрат пельтне. Сын седойть ды ра-
жот, кой-конат эйстэст токшит сарей
сопка лангсо касыця чувтнэнь, ка-
чамосе срадыть ловонть ланга.

Аволь спокойна ды якшамо ве.
Пштистэ ваннать перть пельга часо-
войтне. Сын кандыть боевой вахтат...

Пити ковонть эйстэ ловось, кир-
нявтит вейке чувто лангсто омбоцес
тайгань обитательтне—белкатне.

Таго те об'ектэнт перьяа сехте
верной ялганзо—винтовканть марто яки
Петр Семенович Заволжский.

Пити ковонь валдонть ало винтов-
кань вороненой сталесь. Келейстэ кир-
диль кедьсэст те винтовканть минек
боецтэ, советской масторонть пламен-
ной патриотне.

Н. Симдянов.



Якстере Армиянь XXIII-це годовщианть лемсэ кроссонтень (соревнованиянтень) комсомолецтнэнь маршевой (ялго молемань) анокстамонть коряс тренировочной минимумонь ПРОГРАММАСЬ



Маршевой (ялго молемань) соревнованиентенень учебно-тренировочной анокстамось организовави командасо (5 ломать), конат могут улемс теезь учебной группакс 5—6 командас.

Командатне ды группатне, конат организовавь 17 ды седе ламо несэ комсомолецтнэнь-цёратнень эйстэ, ялго молемань ды чийнемань (човор молемань) тренировканть ютыть 8 километрас «бросоконтень» анокстамонь нормативтнень коряс (вант таблицапть).

Комсомолкатне ды комсомолецтнэ-од цёратне организовавить башка командава ды учебной группав, конат ютыть тренировочной занятият аватненень, од цёрятнень ды тейтертнень туртов программань пунктиэнь коряс.

Тренировочной занятиятне ютавтовить кавксть недлязонзо командань командиртнэнь руководством коряс.

Эрва занятиядонть икеле командирэсэ обязан нурькинетэ толковамс уроконь цельтнень ды задачатнень, а занятианть прядовомадонзо мейле теемс разбор.

Командань командирэсэ вети посещаемостень дневник ды тренировочной минимумонть ютавтомадо учет.

Весе тренировочной роботасэ организовави командань комсомолецтнэнь ютксо ды первичной комсомольской организациань командатнень ютксо социалистической соревнованиянь ютавтэзэ.

Тренировочной программанть коряс занятиятнеде башка дополнителна рекомендуется эрва чистэ тейнемс эстетс тренировкат бойка молемань ды чийнемань коряс ды тейнемс зарядкань кондат гимнастической упражненииат.

1-це занятиясъ:

а) «Становись», «Равняйсь», «Смирно», «Вольно», «Разойдись» строевой положениятнень тренировкас. Меельсь ды васенце командатнень теемс бойка темпсэ.

Ве таркасо велаятоматне (витев, кершев, кругом). Строевой ды походной эськельксэнь толковамось ды невтемась. Эськельксэнь ве таркасо обозначениясь ды «прямо» команданть тонавтомась. Шагом молема. Движениянь лоткавтомась. «Бегом марш» команданть тонавтомась. Тень теемс 1 часос 20 минутас.

б) Човор молемасонть тренировкас (ялго молема ды чиема). Молема—2 мин., чиема—3 мин. (походной эськельксэ молема минутазонзо—120 эськелькс, чиема—180 эськелькс минутазонзо).

2-це занятиясъ:

а) 1-це занятиань строевой положениятнень повторениясь ды тренировкас. Молема—2 мин., чиема—3 мин. (тонавтомас кавксть).

б) Молема—2 мин., чиема—3 мин. (тонавтомас кавксть).

3-це занятиясъ:

Учебной группань строевой положениятнень практической отработкас. Группань развернутой стройтне: ве шеренгас, кавто шеренгасгруппанть построениязо. «На первый, второй» истяжо «по порядку номеров» группань расчотос. Группасэ тейни поворотт ватаркасо. Группань размыканиясь ды смыканиясь. Теемс 1 часос 20 мин.

а) Човор молемасонть цёрань командатнень тренировкас—15 мин. (таблицапть коряс).

б) Авань ды юношеской командатнень тренировкас молема—1 километра, чиема—100 метра (теемс кавксть), молема—300 метра.

в) Тейтертне (16 иес включительна)—молема 2 километрат.

4-це занятиясъ:

3-це занятиань строевой положениятнень повторениясь ды тренировкас, молема—2 мин., чиема—3 мин. (тонавтомас кавксть). Захождениасо направлениянь полавтомась. Стройса приветствованиясь. Тень теемс—1 часос 20 минутас.

а) Човор молемасонть цёрань командатнень тренировкас—20 мин.

б) Авань ды юношеской командатнень тренировкас: молема—600 метра, чиема—100 метра (теемс колмоксть). Молема—300 метра.

в) Тейтертне—молема 2 километрат, чиема—100 метра, молема—300 метра.

5-це занятиясъ:

Учебной группасо походной стройтнень отработкас.

Группань походной стройтне. Колонна кавтонь-кавтонь ломань стройс арамось, молема—2 мин., чиема—100 метра, молема—1 км., чиема—100 метра, молема—2,5 км.

а) Човор молема—2 мин., чиема—3 мин. (походной эськельксэ молема минутазонзо—120 эськелькс, чиема—180 эськелькс минутазонзо).

б) Авань ды юношеской командатнень тренировкас: молема—1 км., чиема—100 метра, молема—1 км., чиема—100 метра, молема—2,5 км.

в) Тейтертне—ялго ютамс 4 км.

6-це занятиясъ:

Ютазь программанть коряс строевой положенианть седе

вадрясто тонавтоманть кис командатнень ютксо соревнованиясь.

а) Човор молема—2 мин., чиема—3 мин. (тонавтомас кавксть).

б) Авань ды юношеской командатнень тренировкас: молема—2 км., чиема—200 метра, молема—2 км., чиема—100 метра, молема—1 км.

в) Тейтертне—молема 2 км., чиема—50 метра, молема—500 метра, чиема—50 метра, молема—500 метра, чиема—50 метра, молема—500 метра.

7-це занятиясъ: Вадря командань кис соревнованиясь.

а) цёрань командатнень човор молема—37 мин.;

б) авань ды юношеской командатнень 7 километрас походе; тейтертне командатнень 5 км. походе.

8-це занятиясъ:

а) Цёрань командатнень тренировкас човор молема—42 мин.

б) Авань ды цёрань командатне (сех вадря шка ланге соревнованиясь).

Молема—2 км., чиема—200 метра; молема—1 км., чиема—100 метра; молема—2 км.

Тейтертне—молема 3 км., чиема—100 метра, молема—400 метра.

9-це занятиясъ:

а) Цёрань командатнень тренировкас човор молема—47 мин.

б) БГТО-нь ды ГТО-нь 1-це ступенень комплекснь дистанциянь коряс ютамо: авань командатне—поход 12 километрас; юношеской—10 километрас; тейтертне—8 километрас.

10-це занятиясъ: а) Цёрань командатнень тренировкас човор молема—52 мин.

б) Авань ды юношеской командатне: молема—2 километрат, чиема—200 метра, молема—2 километрат, чиема—100 метра, молема—1 км., чиема—100 метра, молема—1 км.

в) Тейтертне—молема 2 километра, чиема—100 метра, молема—1 км., чиема—50 метра, молема—1 км.

11-це занятиясъ: а) Цёрань командатнень тренировкас човор молема—57 мин.

б) Авань ды юношеской командатне: молема—3 км., чиема—100 метра, молема—3 километрат, чиема—100 метра, молема—2 км.

в) Тейтертне—молема 3 км., чиема—100 метра, молема—3 км., чиема—100 метра, молема—3 км.

12-це занятиясъ: а) Цёрань командатне соревнуютсэ «бросоксо». «Бросоконь» нормативесь—8 километрат 1 часос.

б) Аватненень, юнопатненень ды тейтертненень—БГТО-нь ды ГТО-нь 1-це ступенень комплекснь ялго молема норматнень максомась.

Примечания. Строевой положениятнень тонавтомась обязательна эрва занятиасо.

8 километрань марше (бросокс) анокстамонь коряс тренировочной минимумонь (17 ды седе ламо несэ цёратнень туртов)

ТАБЛИЦАСЬ

Занятия №	Передвижения видны	Молема ды чиема ш анть чередованиясь (минутас)	Ориентировочной дистанциясь (метр-со)	Весеиз шкась тренировканть ланге човор молема со (минутас)	Общей дистанциясь (метр-со)
1	2	3	4	5	6
1	Молема Чиема	2 3	192 540	5	730
2	Молема Чиема	2 3	192 540	10	1460
3	Молема Чиема	2 3	192 540	15	2200
4	Молема Чиема	2 3	192 540	20	2930
5	Молема Чиема Спокойна-сто молема	2 3 1	192 540 75	26	3740
6	Молема Чиема	3 2	288 360	31	4390
7	Молема Чиема Спокойна-сто молема	2 3 1	192 540 75	37	5200
8	Молема Чиема	2 3	192 540	42	5920
9	Молема Чиема	2 3	192 540	47	6650
10	Молема Чиема	3 2	288 360	52	7300
11	Молема Чиема	3 2	288 360	57	7950
12	Зачетной «бросок»—8 километрат 1 часос.				

Примечания: Молема ды чиема шканть чередованиясь эрва занятиасо ютавтови таблицапнь 3-це графанть коряс верде алов, икелень занятиятнень одов ютавтозэ. Примерке, колмоце занятияс ашти 1-це, 2-це, 3-це занятиятнень нормативтнень эйстэ, ветецесь—1-це, 2-це, 3-це, 4-це, 5-це занятиятнень норматнень эйстэ ды истя седе тов.

Якстере Армиянь XXIII-це годовщианть лемсэ лыжной комсомольской кроссонтень (соревнованиянтень) ютавтоманть коряс ВЛКСМ-нь ЦК-со оргкомитетэсь.

Границань томбале

Англо-германской войнась

Рейтер агентствасэ невти, што зардоак еще германской авиациясь эзь ёртне Лондонть ланге истя ламо кирвастия бомбат, кода декабрынь 30-це чинть каршо вестэнь. Ансяк вейке районсонть теевсь 40 пожар. Сехте пек виевсь пострадал Лондонь деловой кварталось—Ситись. Колазь ламо известной зданият.

Американской корреспонденциань сообщениясь коряс, Лондонть ланге те налетось мольсь 3 часонь перть. Германской бомбардировщиктне ульнесь вастозь зенитной артиллериянь пек виев толсо. Сон лоткась леднемадо ансяк сестэ, зардо воздухс кепететсь английской ночной истребительтне. Воздушной тревоганть отбоень сигналось максозь пелеве малав. Ловить, што Континентэнь берянь погодас кармавтынзе немецтнень истя рана лоткавомс налетнень.

Весе венть перть покартнень пек покш заревась валдомтнесэ Лондонть вельксэ воздушной заграждениянь аэростатнэнь. Валскентень пожартне ульнесь мадстязь. Кой-косо качакалесь развалинатне. Пожарнойтне сезнесь динамитэсь пек ламо зданият, конат ульнесь каладома лангсо.

Берянь метеорологической условиятне, конат аштить Европасонть, стакалгавтсь английской авиациянь действиязо. Кода пачти информациянь английской министерствасэ декабрынь 30-це чинть каршо вестэнь аволь ламо английской самолетт бомбардировать Германиясо военной объектт, ды истя жо немецтнень ёндо оккупировавь территориясонть портнэнь ды аэродромтнень. Теке жо вестэнь ульнесь ёртозь бомбат ды листовкат Неаполенть (Италия) вельксэ.

(ТАСС).

АФРИКАСО ВОЙНАСЬ

Англо-итальянской войнань африканской фронтнэсэ эзть тееве кодаткак значительной лиякстомат. Бардиянь районсонть операциятне ограничиваются патрультнень действиясост, артиллерийской леднемадо ды воздухсто бомбардировкасо.

Кода пачти Рейтер агентствасэ, лондонской военной кругтне ловить, што итальянецтнэ, конат обороняют Бардиянь, врьд-ли курок сддутся.

(ТАСС).

ТАИНЬ ДЫ ФРАНЦУЗСКОЙ ИНДО-КИТАЕНЬ ГРАНИЦАНТЬ ЛАНГО

Ассошиэйтед Пресс агентстванть сообщениянзо коряс, декабрынь 28-це чистэ теевсь од столкновения Тайнь ды Французской Индо-Китаень войскатнень ютксо. Боесь мольсь кавто часонь перть. Тайнь войскатне пансизь Индо-Китаень войскатнень группанть.

(ТАСС).

Ответственной редакторось А. ЩЕГЛОВ.

